

UGOVOR
O NABAVCI ROBE – Pasivna mrežna oprema

zaključen između ugovornih strana:

1. UNIVERZITET U SARAJEVU, Obala Kulina bana 7/II, 71000 SARAJEVO, kojeg zastupa rektor prof. dr. Rifat Škrijelj (u daljem tekstu: Kupac), ID broj: 4200494560007

i

2. PRONET d.o.o., Jovana Bijelića broj 2, 71000 SARAJEVO, kojeg zastupa direktor Fijad Gagula (u daljem tekstu: Prodavac), ID broj: 4200838240007, broj transakcijskog računa: 1610000039760020 otvoren kod Raiffeisen BANK dd.

I. PREDMET UGOVORA

Član 1.

Predmet ovog Ugovora je nabavka robe i to: **Pasivna mrežna oprema** (u daljnjem tekstu: Roba), za potrebe i po zahtjevu Kupca, u skladu sa uslovima utvrđenim u Zahtjevu za dostavljanje ponude Kupca broj: 0101-6515-2/19 od 17. 07. 2019. godine (u daljnjem tekstu: Zahtjev za ponudu) i Ponudom Prodavca broj: 0107/19 od 22. 07. 2019. godine (u daljnjem tekstu: Ponuda).

Prodavac se obavezuje da u skladu sa Zahtjevom za ponudu, Ponudom i pozitivnim propisima koji uređuju predmetnu oblast, izvrši predmetnu nabavku.

Ponuda Prodavca je u prilogu i čini sastavni dio Ugovora.

II. CIJENA

Član 2.

Ukupna cijena ovog Ugovora prema specificiranim robama, količinama i ugovorenim jediničnim cijenama iznosi:

4.485,27 KM bez PDV-a (slovima: *četiri hiljadet četrdeset i osamdeset pet konvertibilnih maraka i 27/100*), što sa uračunatim PDV-om iznosi 5.247,77 KM (slovima: *pet hiljad i dvjestotine četrdeset i sedam konvertibilnih maraka i 77/100*).

Cijene Robe obuhvataju sve troškove do isporuke Robe na adresu krajnjeg korisnika.

Ugovorene cijene Robe iz stava 1. ovog člana su fiksne i neće se mijenjati za vrijeme trajanja ovog Ugovora.

III. MJESTO ISPORUKE

Član 3.

Mjesto isporuke predmetne robe je Univerzitetski tele-informatički centar, Zmaja od Bosne 8, 71000 SARAJEVO.

U slučaju da dođe do promjene mjesta isporuke u toku trajanja ugovora, Kupac će pismeno obavijestiti odabranog ponuđača o promjeni, uz napomenu da promjena mjesta isporuke ne može uticati na zaključen ugovor.

IV. ROK I NAČIN ISPORUKE

Član 4.

Prodavac se obavezuje da će isporuku Robe izvršiti nakon zaključenja ovog ugovora i u terminu koji odredi Kupac.

Kao dokaz izvršene isporuke Robe, **Prodavac uz račun prilaže otpremnicu, koja mora biti potpisana od strane predstavnika Prodavca i Kupca.**

U slučaju da Prodavac isporuči robu koja nije u skladu sa Zahtjevom za ponudu i Ponudom, Kupac će odbiti prijem takve robe, te zahtijevati od Prodavca da u roku od 7 (sedam) dana isporuči robu bez nedostataka ili da o svom trošku utvrđene nedostatke otkloni.

Ukoliko Prodavac u ostavljenom roku ne isporuči robu bez nedostataka, odnosno nedostatke ne otkloni, Kupac ima pravo da raskine ugovor i zahtijeva naknadu štete.

Kupac i Prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorne strane, niti se objektivno mogu predvidjeti, a sprječavaju jednu ili obje ugovorne strane.

V. NAČIN I ROK PLAĆANJA

Član 5.

Ugovorne strane su saglasne da će Kupac izvršiti plaćanje preuzete robe u roku od (30) trideset dana od dana dostavljanja potpisane i ovjerene poreski ispravne fakture od strane Prodavca.

Faktura se dostavlja na adresu Kupca, Obala Kulina bana 7/II, 71000 Sarajevo, (Pisarnica).

Plaćanje se vrši na transakcijski račun Prodavca.

VI. ODGOVORNOST I OBAVEZE KUPCA

Član 6.

Kupac se obavezuje da:

- odredi Prodavcu termin za isporuku robe;
- izvrši kvalitativni i kvantitativni pregled isporučene robe, bez nedostataka;
- izvrši uredno plaćanje ispostavljene fakture u skladu sa članom 5. ovog Ugovora;

VII. ODGOVORNOST I OBAVEZE PRODAVCA

Član 7.

Prodavac se obavezuje da:

- isporuči robu prema zahtjevima Kupca, kako je definisano Ugovorom;
- izvrši sve radnje neophodne da roba bude spremna za prijem kao što su: pakovanje, otprema, prevoz, obavljanje svih neophodnih administrativnih i komercijalnih formalnosti, te prevoz i istovar do krajnje destinacije i sve druge usluge u smislu pripreme robe za prijem;
- snosi sve rizike do konačnog prijema robe na krajnjem odredištu;
- izvrši isporuku robe na mjestu i u roku određenim Ugovorom;
- kvalitetno i uredno izvrši Ugovor u skladu sa nalogima Kupca, važećim propisima, pravilima i standardima struke za ovu vrstu posla, štiti prava i interese Kupca, te ga obavještava o toku izvršenja Ugovora;
- riješi eventualne reklamacije Kupca potpisane od strane ovlaštenog predstavnika Kupca;
- ispostavi fakturu za isporučenu robu.

VIII. TRAJANJE UGOVORA

Član 8.

Ovaj Ugovor se zaključuje do isporuke Robe iz predmeta Ugovora.

IX. RASKID UGOVORA

Član 9.

Kupac ima pravo raskinuti ovaj Ugovor i pravo na naknadu eventualne štete u slučaju ako Prodavac u cijelosti ili djelimično ne izvrši obaveze iz Ugovora u ugovorenom roku, a koje nisu rezultat kašnjenja preuzetih obaveza Kupca.

Ugovor može biti jednostrano raskinut dostavom pismene obavijesti drugoj ugovornoj strani 7 (sedam) dana prije raskida.

Obavijest mora sadržavati razlog raskida ugovora.

U slučaju raskida ugovora, ugovorne strane su saglasne da će u svemu izvršiti međusobne uzajamne obaveze nastale do tog roka.

X. ZAVRŠNE ODREDBE

Član 10.

U skladu sa članom 72. stav 6. Zakona o javnim nabavkama, Prodavac nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u izradi zahtjeva za dostavljanje ponuda, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

Član 11.

Sve eventualne sporove do kojih dođe u realizaciji ovog Ugovora, a koji se ne mogu riješiti sporazumno u duhu dobrih poslovnih odnosa, rješavat će nadležni sud u Sarajevu.

Član 12.

Ugovorne strane su saglasne da se za sva druga pitanja koja nisu regulisana ovim Ugovorom, a budu od značaja za implementaciju istog, kao supsidijarna pravila primjenjuju norme Zakona o obligacionim odnosima.

Član 13.

Ovaj Ugovor stupa na snagu kada ga potpišu i ovjere ovlaštene predstavnici ugovornih strana. Datum kasnijeg potpisivanja ovog Ugovora, smatra se datumom stupanja na snagu ovog Ugovora.

Član 14.

Ovaj Ugovor je sačinjen u (4) četiri istovjetna primjerka, od kojih po (2) dva primjerka zadržava svaka ugovorna strana. Svi primjerci važe kao original i imaju jednako pravno djelovanje.

ZA KUPCA:

Rektor


prof. dr. Rifat Škrijelj

Broj: 0101-6515-4/19

Datum: 23. 07. 2019. godine



ZA PRODAVCA:

Direktor


Rifad Gagula

Broj: 0101-6515-4/19

Datum: 24. 07. 2019. godine

